

TRANSKRIPT
1.VANREDNE SJEDNICE DOMA NARODA
PARLAMENTARNE SKUPŠTINE BiH,
ODRŽANE 30.11.2007. GODINE, S POČETKOM U 13,35 SATI

PREDSJEDAVAJUĆI
SULEJMAN TIHIĆ:

Dame i gospodo, poštovane kolegice, kolege, delegati, prisutni zvaničnici Vijeća ministara ukoliko ih ima, međunarodne zajednice, poštovani predstavnici medija, sve vas pozdravljam.

Otvaram 1. vanrednu sjednicu Doma naroda Parlamentarne skupštine BiH.

/INTONIRANJE HIMNE/

Ja se zahvaljujem evo svim delegatima koji su se u tako kratkom roku odazvali ovoj vanrednoj sjednici. Danas je prisutno 12 delegata, od toga 5 iz bošnjačkog naroda, četiri iz hrvatskog naroda i tri iz srpskog naroda. Gospoda Branko Zrno, Branko Šaraba, Drago Ljubičić su opravdali odsustvo jer su službeno spriječeni da prisustvuju današnjoj sjednici.

Međutim, prije početka sjednice ja bih pozvao sve delegate da minutom šutnje odamo počast tragično preminulom Ivi Lozančiću.

/ODAVANJE POČASTI/

Neka je vječna slava.

Za vanrednu sjednicu predlažem sljedeći

DNEVNI RED

- 1. Zahtjev Kolegija Doma naroda Parlamentarne skupštine BiH za razmatranje Prijedloga izmjena i dopuna Poslovnika Doma naroda Parlamentarne skupštine BiH, u skladu sa članom 122. Poslovnika Doma naroda;**
- 2. Davanje suglasnosti za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvole – predlagač: Vijeće ministara BiH;**
- 3. Davanje suglasnosti za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza – predlagač: Vijeće ministara BiH.**

Ovo je dnevni red koji je usaglašen na Kolegiju Doma naroda.

Da li se ko javlja za riječ? Ima li prijedloga za izmjene i dopune?

Nema.

Konstatujem da je dnevni red usvojen, u skladu sa članom 60. Poslovnika Doma naroda.

Ad.1. Zahtjev Kolegija Doma naroda Parlamentarne skupštine BiH za razmatranje Prijedloga izmjena i dopuna Poslovnika Doma naroda Parlamentarne skupštine BiH, u skladu sa članom 122. Poslovnika Doma naroda

SULEJMAN TIHIĆ:

Prijedlog izmjena i dopuna Poslovnika Doma naroda ste dobili. Ovo je usaglašen prijedlog Kolegija Doma naroda Parlamentarne skupštine, sa kojim se je suglasio i visoki predstavnik u BiH, gospodin Miroslav Lajčak.

U skladu sa članom 122. Poslovnika, Dom odlučuje o Zahtjevu za razmatranje Poslovnika. Prema ovome članu, nakon rasprave amandmani se ne ulažu – član 122. stav (3).

Otvaram raspravu.

Javlja li se neko za riječ?

Glasamo sada da li će se Poslovnik razmatrati po članu 122. Poslovnika Doma naroda.

Ko je „za“?

Konstatujem da smo jednoglasno – da ne pitam ko je „protiv“ – jer, vidim, svi smo glasali. Zahtjev da se Poslovnik razmatra po hitnom postupku usvojen je jednoglasno.

Sada glasamo o Poslovniku.

Otvaram raspravu. Da li se neko javlja za riječ?

Izvolite. Delegat Ivo Miro Jović.

IVO MIRO JOVIĆ:

Hvala lijepo, gospodine predsjedatelju.

Uvaženi prijatelji izaslanici i svi nazočni ovoj današnjoj sjednici, ja bih imao ili ako ocijenimo da ima potrebe da usvojimo jedan zaključak. Mi radni materijal, odnosno, izmjene i dopune Poslovnika Doma naroda Parlamentarne skupštine BiH, nismo dobili na hrvatskom jeziku. I iz tih razloga, ako treba usvojiti zaključak, da prije objavljivanja mora se ovaj tekst napraviti na hrvatskom jeziku.

SULEJMAN TIHIĆ:

Dobro, hvala.

Ja mislim da nema niko, da se svi slažemo s ovim zaključkom.

Izvolite, gospodine Ivaniću.

MLADEN IVANIĆ:

Isto važi i za poslanike iz reda srpskog naroda. I mi nismo dobili na ćirilici i na srpskom jeziku, pa i mi to očekujemo.

SULEJMAN TIHIĆ:

Dobro. Evo onda ćemo to jednim zaključkom regulisati... /kratko prekinuta veza/

Da li se još neko javlja za riječ?

Ako nema niko, možemo li glasati?

Ko je „za“ ovaj poslovnik, izmjene i dopune Poslovnika?

Ima li ko „protiv“?

„Suzdržan“? Nema.

Konstatujem da smo jednoglasno usvojili izmjene i dopune Poslovnika Doma naroda.

Idemo na drugu tačku dnevnog reda:

Ad.2. Davanje suglasnosti za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvole – predlažać: Vijeće ministara BiH

SULEJMAN TIHIĆ:

Izvještaj nadležne komisije ste dobili. Ne znam da li predsjednik ili predsjednica Komisije ima potrebu da šta kaže? Da li ima potrebe?

Ako nema, možemo li dati suglasnost za ratifikaciju Sporazuma između Bosne i Hercegovine i Evropske zajednice o readmisiji lica koja borave bez dozvola?

Ko je „za“?

Konstatujem da je i ova odluka donesena jednoglasno, bez glasova „protiv“ i „suzdržanih“.

Ad.3. Davanje suglasnosti za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza – predlažać: Vijeće ministara BiH

SULEJMAN TIHIĆ:

Dobili ste Izvještaj nadležne komisije. Otvaram raspravu. Da li se ko javlja za riječ? Ne javlja se niko.

Idemo, pristupamo glasanju.

Ko je „za“?

Ko je „protiv“?

„Suzdržan“? Nema.

Konstatujem da smo jednoglasno donijeli i ovu odluku i dali suglasnost za ratifikaciju Sporazuma između Bosne i Hercegovine i Evropske zajednice o olakšicama kod izdavanja viza, tako da ćemo, ako Bog da, od 1. imati ... stupiti će na snagu i građani će imati koristi od ove odluke neposredno.

Hvala lijepo. Konstatujem da je završena 1.vanredna sjednica.

Sjednica je završena u 13,50 sati.